

續
文
獻
通
考

續文獻通考卷之一百三十八

皇明進士雲間王圻纂輯

謚法考 東漢蜀漢魏吳

東漢帝后謚

世祖光武皇帝名秀字文叔南陽蔡陽人景帝子長沙定王之後父南頓令欽帝以莽地皇三年起兵建武元年即位中元二年崩年六十二謚光武 陰皇后諱麗華南陽新野人父陸母鄧氏后初爲貴人以郭后廢而立 在位二十四年年六十謚光烈

丘瓊山曰自古后無謚皆從其主之謚後世后有謚始于此然惟用烈之一字所謂光者仍用帝謚也其後如

明德和熹之類皆然後世乃用二字四謚者始去其主之謚而專稱焉失婦人從夫之義矣

顯宗孝明皇帝名莊光武第四子母光烈皇后中元二年即位永平十八年崩年四十八謚孝明 馬皇后伏波將軍小女母蘭夫人后初爲貴人後正位在位二十三年年四十謚明德

肅宗孝章皇帝名烜顯宗第五子永平十八年即位章和二年崩年三十三謚孝章 竇皇后扶風平陵人大司徒融之曾孫父勲初以選入掖庭後正位在位十八年謚章德 梁皇后竦之女初爲貴人生和帝後竦坐飛語誅以憂歿和帝立追上尊謚曰恭懷皇后 宋貴人

扶風平陵人父楊永平末選入太子宫建初三年生清河王慶七年以竇后護自殺安帝延光元年追謚敬隱后

孝和皇帝名肇肅宗第四子章和二年即位元興元年崩年二十七謚孝和 鄧皇后諱綏大傳禹之孫父訓母陰氏光烈皇后從弟女初以選入爲貴人陰后以巫蠱事廢正位中宮在位二十年年四十一謚和熹

孝殤皇帝名隆和帝少子元興元年十二月即位延平元年崩年二歲謚孝殤

孝安皇帝名佑清河王慶子肅宗孫延平元年即位延光四年崩年三十二謚孝安 閼皇后諱姁河南滎陽人

父陽謚文侯母宗爲榮陽君后元初元年立爲貴人二年立爲皇后在位十九年年四十五謚安惠 李皇后初以官人得幸生順帝爲安思所鳩帝即位更以禮殯上尊謚曰恭愍皇后

敬宗孝順皇帝名保安帝之子延光四年即位建康元年崩年三十謚孝順 梁皇后諱嬀大將軍商之女永建時爲貴人陽嘉元年立爲皇后在位十九年謚順烈 孝冲皇帝名炳順帝子建康元年八月即位永嘉元年崩年三歲謚孝冲

孝質皇帝名續渤海孝王子永嘉元年即位本初元年爲梁冀所鳩年九歲謚孝質

孝桓皇帝名志蟲吾侯翼之子肅宗曾孫本初元年即位
永康元年十二月崩年二十六謚孝桓 梁皇后諱女
瑩順烈后之女弟在位十三年崩謚懿獻 竇皇后諱
妙華大將軍武之女立爲后七年崩謚桓思

孝靈皇帝名宏顯犢亭侯長之子肅宗玄孫建寧元年即
位中平六年崩年三十四謚孝靈 何皇后南陽宛人
家本屠者以選入掖庭光和三年立爲皇后在位十年
爲釐卓鳩弑謚靈思 王皇后初爲美人生獻帝靈思
鳩殺之帝即位追尊爲靈懷皇后

孝獻皇帝名協靈帝中子中平六年九月即位魏青龍二
年崩年五十四謚孝獻昭烈即位于蜀傳言帝遇害謚

孝愍 曹皇后操之中女初拜爲貴人伏后遇弒遂爲
皇后魏篡漢廢帝爲山陽公后爲山陽夫人晉景初元
年崩謚獻穆

少帝名辯靈帝子中平六年四月即位建元光熹已改昭
寧是年董卓廢爲弘農王獻帝初平元年復鳩殺之堊
王于故中常侍趙忠成廢中謚懷

孝德皇名慶章帝子初封清河王謚孝安帝延光元年以
所生父上尊號爲孝德皇 妣左氏爲孝德后

孝穆皇名開章帝子初封河間王桓帝以所生祖上尊號
爲孝穆皇 妣趙氏爲孝穆后

孝崇皇名翼桓帝之父初封蠡吾侯帝即位追尊爲孝崇

皇 后 區氏爲孝崇皇后

孝仁皇后名長寧帝之父初封解犢亭侯帝即位追尊爲孝仁皇后 后董氏爲孝仁皇后

范曄論曰西漢世皇后無謚皆因帝謚以爲稱雖呂氏專政上官臨制亦無殊號中興明帝始建光烈之稱其後並以爲配至于賢愚優劣混同一貫故馬竇二后俱稱德焉其餘皇帝之庶母及藩王承統以追尊之重特爲其號如恭懷孝崇之比是也初平中蔡邕始追正和熹之謚其安思順烈以下皆因而加焉

東漢宗室謚

趙王良字次伯光武叔父建武十七年謚孝 良子栩謚

節 梲子商謚頃 商子宏謚靖 宏子乾謚惠 乾

子豫謚懷 豫子赦謚獻

春陵侯敞光武叔父建武二年追謚康 敞子城陽王祉
字巨伯建武十二年謚恭

安成侯賜字子琴光武族兄建武二十八年謚孝

順陽侯嘉字孝孫光武族兄父憲敞同產弟建武十五年
謚懷

成武侯順字平仲光武族兄父慶敞同產弟建武十一年
謚孝

齊王嶺字伯升光武兄建武十五年追謚武 嶺子章謚
哀 章子石謚殤 石子無忌謚惠 無忌子喜謚頃

北海王興續子出後魯哀王仲顯宗時謚靖 興子睦
謚敬 睦子基謚懷 睦孫普謚頃 普子翼謚恭

翼子謚康史未其名

魯王仲光武次兄建武十五年追謚哀

東海王彊光武子永平元年謚恭 彊子政謚靖 政子

肅謚頃 肅子臻謚孝 臻子祗謚懿

沛王輔光武子顯宗時謚獻 輔子定謚隆 定子正謚

節 正子廣謚孝 廣子榮謚幽 榮子琮謚孝 琮

子曜謚共

楚王英光武子以謀反自殺章帝元和三年追謚厲

濟南王康光武子謚安 康子錯謚簡 錯子香謚孝

錯子阜陽侯顯謚釐 顯子廣謚悼

東平王蒼光武子永平八年謚憲 蒼子忠謚懷 忠子

敞謚孝 敞子端謚貞 蒼子任城王尚謚孝 尚子

安謚貞 安子崇謚節

阜陵王延光武子謚賢 延子冲謚殤 冲兄魴謚頃

魴子恢謚懷 恢子代謚節 代兄勃道亭侯便親謚

恭 便親子統謚孝

廣陵王荆光武子顯宗時謚思

臨淮公衡光武子謚懷

中山王焉光武子末元二年謚簡 焉子憲謚夷 憲子

弘謚孝 弘子暢謚穆 暢子稚謚節

瑯琊王京光武子謚孝 京子宇謚夷 宇子壽謚恭

壽子尊謚貞 尊子據謚安 據子容謚順

千乘王連明帝子永平四年謚哀

陳王羨明帝子謚敬 羨子鈞謚思 鈞子竦謚懷 羨

子崇以安壽亭侯紹謚頃 崇子承謚孝 承子寵謚

愍

彭城王恭明帝子謚靖 恭子道謚考 道子定謚頃

定子和謚孝

樂城王黨明帝子謚靖 黨子崇謚哀 崇兄巡以修侯

嗣謚釐 巡子肩謚隱 安平王得以河間孝王開子

立爲樂城靖王後改國曰安平謚孝

下邳王衍明帝子謚惠 衍子成謚貞 成子意謚愍
意子宜謚哀

梁王暢明帝子謚節 暢子堅謚恭 堅子匡謚懷 匡
弟成以孝陽亭侯封梁王謚夷 成子元謚敬

常山王章明帝子以防子侯改封謚靖 章子儀謚頃
儀子豹謚節

淮陽王昞明帝子謚頃 昞子側謚鵬

濟陰王長明帝子謚悼

千乘王伉章帝子謚貞 伉子樂安王寵謚夷 寵子渤

海王鴻謚孝 寵子延平出後清河王謚恭

平春王全章帝子建初四年謚悼

清河王虎威章帝孫慶之子謚愍

甘陵王理以安平孝王子立爲孝德皇后謚威 理子定

謚貞 定子忠謚獻

濟北王壽王子謚惠 壽子登謚節 登子多謚哀

多嗣子安國以戰卿侯立爲濟北王謚釐 安國子次

謚孝

河間王政章帝孫開之子謚惠 政子建謚貞 建子利

謚安

城陽王淑章帝子永元五年謚懷

廣宗王萬歲章帝子永元二年謚殤

平原王勝和帝長子謚懷 嗣子得本樂安夷王寵子謚

哀

騎將軍慎侯隆字元伯父禮隆以光武中元二年卒謚
靖

東漢公主謚

新野長公主元光武姊適鄧晨齊武王綰初起兵與莽將
梁丘賜戰敗公主亦遇害建武二年謚節義

平陽公主明帝女適馮順謚昭文

東漢諸臣謚

積弩將軍昆陽侯傳俊字子衡潁川襄城人光武建武七
年謚威

壽張侯樊重字君雲湖陽人光武外祖建武八年謚敬

長水校尉樊宏字靡卿重子建武二十七年謚恭

征虜將軍穎陽侯祭遵字弟遜穎陽人建武九年謚成

宣恩侯陰陸南陽新野人光武后父建武九年爲盜所殺

追謚哀 宣義侯陰欣陸之子建武九年與父同被劫

追謚恭 原鹿侯陰識字次伯后前母兄永平二年謚

貞 關內侯陰興字君陵識弟建初五年追謚翼

衛尉安成侯鮒期字次况穎川邠人光武建武十年謚忠

征西大將軍陽夏侯馮異字公孫穎川父城人建武十年

謚節

征南大將軍舞陽侯岑彭字君然南陽棘陽人建武十一

賈文獻通考卷之八十八

年謚壯

贈中郎將征羌侯來歙字君叔南陽新野人建武十一年

謚節

執金吾雍奴侯寇恂字子翼上谷昌平人建武十二年謚
威

橫野大將軍山桑侯王常字頽卿潁川武陽人建武十二

年謚節

牟平侯耿況字俠遊茂陵人建武十二年謚烈 建威大

將軍好時侯耿弇字伯昭況子永平元年謚愍 光祿

勲美陽侯耿秉弁子和帝永元三年謚桓

人司徒追封則鄉侯侯霸字君房河內人建武十三年謚

哀

東郡太守東光侯耿純字伯山鉅鹿宋子人建武十三年

謚成

大司空固始侯李通字次元宛人建武十八年謚恭

大司馬廣平侯吳漢字子顏南陽宛人建武二十年謚忠

執金吾特進膠東侯賈復字君文南陽冠軍人建武三十

一年謚剛

汝南太守西華侯鄧晨字偉卿新野人光武姊夫建武二

十五年謚惠

贈陽安侯郭昌真定藁人光武后父建武二十六年追謚

思 特進陽安侯郭況昌之子光武后兄永平二年謚

節

大司空富平侯張純字伯仁京兆杜陵人光武中元元年
謚節

太傅高密侯鄧禹字仲華南陽新野人所帝永平元年謚
元 護羌校尉追封平壽侯鄧順字平叔禹第六子和
帝元興元年以后父故追謚敬 太僕位特進夷安侯
鄧康禹孫順帝陽嘉三年謚義

城門校尉朗陵侯臧宮字君翁潁川郟人永平元年謚愍
大司空衛尉安豐侯竇融字周公扶風平陵人永平五年
謚戴

衛尉顯親侯竇固字孟孫融弟友之子章帝章和二年謚

文

伏波將軍新息侯馬援字文淵扶風茂陵人肅宗建初三年追謚忠武 順陽侯馬廖字敬平援子和帝永元四年謚哀

太傅錄尚書事節鄉侯趙熹字伯陽宛人章帝建初五年謚正

追封安成侯竇勳扶風平陵人章帝后父建初七年追謚思

褒親侯梁竦安定烏氏人和帝外祖父永元九年追謚愍大將軍乘氏侯梁商竦孫順帝后父永和六年謚忠北宜春侯閭暢滎陽人安帝后父元初四年謚文

議郎追封當陽侯宋楊章帝宋貴人父安帝時追謚穆
廷尉定賴侯郭鎮字桓鍾陽翟人順帝時追謚昭武 廷
尉定賴侯郭賀鎮子順帝時謚成

長樂少府衛尉尉亭侯趙典字仲經蜀郡成都人桓帝時
謚獻

大尉安國亭侯袁湯字仲河汝陽人桓帝時謚康 執金
吾安國亭侯袁逢字周陽湯子靈帝時謚宣文

司空贈車騎將軍祁鄉侯黃瓊字世英安陸人延熹七年
謚忠

太傅安樂鄉侯胡廣字伯始南郡華容人靈帝熹平元年
謚文恭

舞陽侯何真宛人靈帝后父光和四年追謚宣德

太傅司徒臨晉侯楊賜字伯獻華陰人中平二年謚文烈
光祿勳涿鄉侯劉寬字文饒弘農華陰人靈帝中平三年
謚昭烈

漢陽太守傅燮字南容北地靈州人中平四年與金城賊
王國等戰歿謚壯節

尚書令鄆侯趙謙字彥信典之兄子獻帝初平二年謚忠
青冀二州刺史潁陽侯史崇杜陵人謚壯

蜀漢帝后謚

昭烈皇帝名備字玄德涿郡人景帝子中山靖王之後以
建安二十五年即位於蜀章武三年崩年六十三謚昭

烈 甘皇后沛人未即位先卒初追謚皇思夫人後丞相亮議上尊謚曰昭烈皇后

丞相亮與太常賴恭等上謚議曰春秋之義母以子貴昔高帝追尊太上皇昭靈夫人爲昭靈皇后孝和皇帝改葬其母梁貴人尊號曰恭懷皇后孝愍皇帝亦改葬其母王夫人曰靈懷皇后今皇思夫人宜有尊號以慰寒泉之思按謚法宜曰昭烈皇后與大行皇帝合葬制曰可

後帝名禪字公嗣昭烈子章武三年即位炎興冬降於魏封爲安樂公太始七年薨謚思 張皇后飛之女謚敬

蜀漢宗室謚

安平王理字奉孝昭烈子延熙七年謚悼

理子胤延熙十九年謚哀

胤子承延熙二十年謚殤

蜀漢臣謚

尚書令護軍將軍法正字孝直扶風郿人建安二十五年謚翼

史臣曰先主時惟法正得謚後主時諸葛亮功德蓋世
蔣琬費禕荷國之重亦見謚陳祗寵待特加殊獎夏侯
霸遠來歸國故復得謚於是關羽張飛馬超龐統及趙
雲皆追謚時以爲榮

大將軍錄尚書事安陽亭侯蔣琬字公琰湘鄉人後主建

興九年謚恭

丞相武鄉侯諸葛亮字孔明瑯琊陽都人建興十二年謚忠武

車騎將軍儀同三司黃權字公衡閬中人後主延熙三年謚景

大將軍錄尚書事成鄉侯費禕字文偉郫人延熙十一年謚敬

中郎將關内侯龐統字士元襄陽人後主時追謚靖

鎮軍將軍永昌亭侯趙雲字子龍真定人後主時追謚順

平

後將軍關内侯黃忠字漢升南陽人建安二十五年卒後

主時追謚剛

驃騎將軍涼州牧廣鄉侯馬超字孟超右扶風茂陵人後主時追謚威

車騎將軍司隸校尉新亭侯張飛字翼德涿郡人後主時追謚桓

盪寇將軍都督荊州事漢壽亭侯關羽字雲長河東解人後主時追謚壯繆

魏帝后謚

大皇帝本姓夏侯氏名嵩爲漢太尉大長秋曹騰養子因姓曹丕篡位尊爲大皇帝

太祖武皇帝名操字孟德沛國譙人魯天子令諸侯三十

年薨謚武王子丕篡位尊爲帝 卞皇后瑯琊開陽人
本倡家初納爲妾建安初丁夫人廢遂爲繼室丕踐祚
尊曰皇太后太和四年殂謚武宣

文帝名丕字子桓武帝太子以漢延康元年篡位黃初七
年崩年四十六謚文 甄皇后中山無極人先爲袁熙
妻熙敗丕遂納之生明帝後以失意有怨言賜死明帝
即位上尊謚曰文昭 郭皇后安平廣宗人字女王求
之女黃初三年立爲后青龍三年爲明帝逼死謚文德
明帝名叡字元仲文帝太子黃初七年即位景初三年崩
謚明 毛皇后河內人父喜初以選入東宮大和元年
立爲皇后景初元年賜死謚悼 郭皇后西平人黃初

中后父滿以本郡反因没入官後見幸立爲皇后景元四年崩謚明元

魏主獻景初元年有司奏以武帝爲太祖文帝爲高祖今上爲烈祖萬世不毀詔從之孫盛旤曰夫謚以表行廟以存容未有當年而遂制祖號未終而豫自尊名魏之群司于是乎失正矣

齊王名彥字蘭卿明帝養子莫知其所由來景初元年即位嘉平六年大將軍司馬師廢爲齊王普有天下改爲邵陵公大始十年薨謚厲

陳留王名奐武帝孫燕王字子甘露四年即位咸熙二年禪于晉封爲陳留王太安元年薨謚元皇帝

魏宗室諡

陳侯熾操從父諡穆

熾子仁字子孝文帝黃初四年諡忠

仁弟高陵侯純文帝即位追諡威

都陽侯洪字子廉操從弟明帝太和六年諡恭

長平侯休字文烈操族子太和二年諡壯

東鄉侯真字子丹操族子明帝時諡元

任城王彰字子文操子黃初四年諡威

陳王植字子建操子大和六年諡思

蕭王熊操子黃初二年追諡懷

熊子兩青龍六年諡哀

曹王昂字子修操子黃初二年追謚悼太和三年更謚愍
昂子琬本樊安公均之子謚恭

相王鑠操子早薨太和三年追謚殤 鑠子潛謚愍 潛

子偃青龍四年謚懷 鄧王冲字倉舒操子黃初二年
追謚哀

沛王林操子魏末謚穆

中山王衮操子王極賢青龍三年謚恭

濟陽王珣操子太和四年追謚懷 珣子西鄉侯贊本沛

王林子太和六年追謚哀 贊弟濟陽公壹謚悼

陳留王峻字子安操子甘露四年謚恭

范陽王矩操子黃初三年追謚閔 矩子瑯琊王敏本樊

安公均子以後閔王咸熙時謚原

臨邑公子上操子太和五年追謚殤

剛公子勤操子早卒太和五年追謚殤

城公子乘操子早薨太和五年追謚殤

郕公子整操子奉從叔父紹後黃初二年謚戴 整子成

武公本彭城王據子青龍三年謚悼

靈公子京操子早薨太和五年追謚殤

樊公均操子奉叔父蒯恭公彬後黃初二年謚安 均子

屯留公抗景初元年謚定

廣宗公子棘操子早卒太和五年追謚殤

東平王徽操子奉叔父朗陵哀侯王後正始三年謚靈

贊王協文帝子太和五年追封謚曰經殤公青龍二年更

謚哀 協子壽正始九年謚殤

北海王蕤文帝子壽龍元年謚悼

東武陽王鑒文帝子黃初六年薨青龍三年謚懷

東海王霖文帝子嘉平元年謚定

元城王禮文帝子太和三年謚哀

邯鄲王邕文帝子太和三年謚懷

清河王貢文帝子黃初四年謚悼

廣平王儼文帝子黃初四年謚哀

安平王殷明帝子太和六年謚哀

薊公彬即樊安公均所後父謚恭

續文獻通考

卷之百十八

六

卷五
三百五

即陵侯王即東平靈王所後父謚哀

魏公主謚

平原公主淑明帝女謚懿

魏諸臣謚

司空軍祭酒洧陽侯郭嘉字奉孝陽翟人建安時操表謚貞

萬歲亭侯荀彧字文若潁陰人建安十七年獻帝謚爲敬
或漢臣也而入魏者何以素爲操謀亦操之人耳中
領軍贈驃騎將軍荀彧孫謚貞 尚書令贈壽亭侯
荀攸字公達或從子齊王芳正始中追謚敬

右將軍廣昌亭侯樂進字公謙衛國人建安二十三年謚

咸陽州刺史昭衛尉樂綝進子諸葛誕反襲殺之謚
愍

大將軍高安鄉侯夏侯惇字元讓沛國譙人建安三十四
年曹操謚爲忠征西大將軍博昌亭侯夏侯淵字妙
才惇族弟以拒劉備戰死建安三十四年曹操謚爲愍
征南大將軍平陵鄉侯夏侯尚字伯仁淵從子文帝黃初
三年謚惇

少子將軍宣威侯張繡武威祖厲人建安末曹操謚爲定
鎮南將軍閬中侯張魯字公祺豐人建安末曹操謚爲原
車騎將軍安鄉侯程昱字仲德東河人文帝黃初初謚肅
尚書僕射贈太僕豐樂亭侯杜畿字伯侯杜陵人黃初二

年謚載

前將軍晉陽侯張遼字文遠馬邑人黃初二年謚剛

太尉魏壽鄉侯賈詡字文和姑臧人文帝踐祚初謚肅

少傅成陽亭侯何夔字叔龍陽夏人文帝踐祚初謚靖

護羌校尉都亭侯蘇則字文師武功人黃初四年謚剛

尚書陽吉亭侯衛覲字伯儒安邑人黃初時謚敬

黃初將軍都亭侯李典字曼成鉅野人文帝初追謚愍

征南將軍都亭侯李通字文達平春人文帝初謚剛

立義將軍關門亭侯龐德字令明南安狄道人不屈于關

羽而死文帝時謚壯

典農中郎將長水校尉都亭侯任峻字伯達中牟人文帝

時追謚成

後將軍新野侯文聘字仲業宛人文帝時謚壯

尚書令安樂鄉侯桓階字伯緒臨湘人文帝時謚貞安

樂太守桓嘉階子與吳戰于東關敗沒謚壯

安遠將軍益壽亭侯于禁字文則鉅平人文帝時謚厲

追封魏昌侯甄逸中山無極人文帝后父明帝太和元年

追謚敬魏昌侯甄儼后兄明帝青龍二年追謚穆

魏昌侯甄像逸孫青龍三年謚貞贈車騎將軍魏昌

侯甄暢像之子齊王芳嘉平二年謚恭

右將軍陽平侯徐晃字公明河東楊人太和元年謚壯

建威將軍陽里亭侯賈逵字良道襄陵人太和二年謚肅

司徒蘭陵侯王朗字景興東海郟人太和二年謚成 贈
衛將軍蘭陵侯王肅字子雍朗子高貴卿公髦甘露元
年謚景

執金吾位特進都亭侯臧霸字宣高泰山華人明帝初謚
威 青州刺史少府臧艾霸子謚恭

安陽鄉侯郭永廣宗人文帝后父太和四年謚敬 追封
梁里亭侯郭浮永子青龍四年追謚敬 追封武城亭
侯郭都永子青龍四年追謚孝 追封新樂亭侯郭成
永子青龍四年追謚定

贈光祿大夫安國侯毛嘉河內人明帝后父青龍三年謚
節

開陽侯卞廣瑯琊開陽人太祖后祖父太和四年追謚恭
開陽侯卞遼廣之子太和四年謚敬

京兆尹司馬防字建公河內溫人即懿之父景初二年追
封舞陽侯謚成

侍中吳質字季重濟陰人太和四年卒以怙威肆行謚醜
子應詔枉至正元中改謚成

博平侯華歆字子魚高唐人太和五年謚敬

司徒樂平侯董昭字公仁定陶人太和六年謚定

大中大夫東亭侯劉曄字子陽成德人太和六年謚景

衛尉廣平亭侯辛毗字佐治陽翟人青龍二年謚肅

侍中光祿大夫在僕射贈車騎將軍陽亭侯徐宣字實堅

海西人青龍四年謚貞

司空錄尚書事潁陰侯陳群字長文許昌人青龍四年謚靖

尚書左僕射贈司空潁陰侯陳泰字玄伯東陽人謚穆

侍中光祿大夫司徒東鄉侯陳矯字季弼泰子景初元年謚貞

太常西陵鄉侯和洽字陽士西平人明帝時謚簡

光祿大夫贈車騎將軍樂陽亭侯常林字伯槐河內溫人明帝時謚貞

大將軍軍師武平亭侯杜襲字子緒定陵人明帝時謚定司空都鄉侯趙儼字伯然陽翟人明帝時謚穆

武衛將軍萬歲亭侯許褚字仲康譙國譙人明帝時謚壯
左將軍鄭侯張郃字儁乂鄭人明帝時謚壯

涼州刺史西鄉侯張既字德容高陵人明帝時追謚肅

太傅定陵侯鍾繇字元常潁川長社人明帝時謚成 荆

州都督鍾繇字稚叔繇之子齊王芳時謚惠

司徒直城亭侯韓暨字公至堵陽人景初二年謚恭

太尉昌陵侯進封都鄉侯蔣濟字子通平阿人高貴鄉公

髦正始初謚景

太尉昌邑侯滿寵字伯陽昌邑人正始三年謚景

光祿大夫贈太常清陽亭侯裴潛字文行聞喜人正始五

年謚貞

司徒安陽亭侯崔林字德儒東武城人正始五年謚孝

司空都亭侯徐璿字景山薊人嘉平元年謚穆

征東將軍陵陽亭侯胡質字文德楚國壽春人嘉平二年
謚貞

光祿大夫儀同三司西鄉侯劉放字子棄涿郡人嘉平二
年謚敬

司空大司徒孫禮字德達容城人嘉平二年謚景

驃騎將軍特進陽廷侯孫資字彥龍大原人嘉平三年謚
貞

贈征北將軍建成侯劉靖嘉平六年謚景

尚書僕射贈太常陽鄉侯傅嘏字蘭石北地宜陽人正元

二年謚元

司空陽鄉侯王觀字偉臺廩丘人正元初謚肅

西都侯郭滿西平人明帝后父正元初追謚定

車騎將軍儀同三司贈大將軍陽曲侯郭淮字伯濟陽曲

人正元二年謚貞

吏部尚書谷城侯盧毓字子家植之子涿郡涿人甘露二

年謚成 吏部尚書梁侯盧欽毓子謚元

司空京陵侯王昶字文舒晉陽人甘露四年謚穆

征東將軍贈司空常樂亭侯王基字伯輿曲陽人陳留王

奐景元二年謚景

征虜將軍贈衛將軍州泰南陽人景元二年謚壯

太尉安國侯高柔字文惠圉人景元四年謚元
司徒贈太尉長垣侯衛臻字公振襄邑人謚敬
高唐亭侯朱靈字文傳清河人謚威

吳帝后謚

武烈皇帝名堅字文臺吳郡富春人孫武子後漢初平三
年為黃祖軍士射殺權稱尊號追謚為武烈

大皇帝名權字仲謀堅次子黃武元年稱尊號神鳳二年
薨年七十一謚大 王夫人生和和生皓皓立追尊大
懿皇后又王夫人生休休即位追尊敬懷皇后

景皇帝名休字子烈權第六子初封瑯琊王太平二年會
稽王亮廢迎即位永安七年薨年三十謚景

大帝太子和字子孝歸命侯即位之元年追謚文皇帝後
又謚昭獻皇帝養母何姬謚昭獻皇后

長沙王策字伯符堅長子建安五年爲故吳郡太守許貢
客所殺權稱尊號追謚桓

吳臣謚

輔吳將軍婁侯張昭字子布彭城人大帝嘉禾五年謚文
奮威將軍都鄉侯張承字仲嗣昭子赤烏七年謚定
丞相領尚書事醴陵侯顧雍字元歎吳郡吳人赤烏六年
謚肅

丞相江陵侯陸遜字伯言吳郡人景帝末安間謚昭
晉帝后太子太孫謚

宣皇帝名懿字仲達河內溫人仕魏爲相國封安平郡公以嘉平三年薨謚文貞後改謚文宣晉國初建追尊爲宣王武帝受禪尊爲宣皇帝 張皇后名春華河內平輿人父汪母山司徒濤之從祖姑也后以魏正始八年薨咸熙元年追號宣穆妃武帝受禪追尊爲皇后

景皇帝名師字子元宣皇長子仕魏爲相國封長平鄉侯正元二年薨初謚武子昭以謚與二祖同表讓改謚忠武晉國既建追尊曰景王武帝受禪上尊號曰景皇帝 夏侯皇后名徽字媛容沛國譙人父尚母曹氏德陽鄉主后以魏氏之甥爲景皇所忌死于鳩毒始三年追謚景懷皇后 羊皇后名徽瑜泰山南城人父道母燕

成寧四年崩謚景獻

文皇帝名昭字子上景王母弟仕魏爲相國封晉王咸熙二年薨謚文王武帝受禪追尊號曰文皇帝 王皇后名元姬東海郟人父叔母羊氏武帝受禪尊爲皇太后以泰始四年崩謚文明

世祖武皇帝名炎字安世文皇長子咸熙二年立爲晉王太子其冬受魏禪大熙元年崩謚武 楊皇后名艷字瓊之弘農華陰人父文宗母趙氏后崩于泰始十年謚元 楊皇后名芷字季蘭小字男胤元皇后從妹後爲賈后所廢絕膳而崩永嘉元年追復尊號謚悼

孝惠皇帝名衷字丘度武帝第二子光熙元年崩謚孝惠

后賈氏潘幽爲趙王倫所殺 羊后没于劉曜

孝懷皇帝名熾字豐度武帝第二十五子以光熙元年冬
即位永嘉五年劉聰入寇蒙塵于平陽七年遇害諡孝
懷

孝愍皇帝名鄒字彥旗武帝孫吳孝王晏之子建興四年
蒙塵于平陽五年遇害諡孝愍

元皇帝名睿字景文宣帝曾孫瑯琊恭王觀之子初以安
東將軍假節鎮建鄴建武元年即晉王位太興元年即
帝位永熙元年崩諡元 虞皇后名孟母濟陽外黃人
父豫后以永嘉六年薨於瑯琊王姬帝踐位追贈皇后
謚敬 鄭后名阿春河南滎陽人父愷先適渤海田氏

生一男而寡以建武元年納爲瑯琊王夫人生悼王簡
文簡文即位未及追尊孝武遂尊先志上尊號曰簡文
太后謚宣

明皇帝名紹字道徽元帝長子永熙元年即位太寧三年
崩謚明 庾皇后名文君潁川鄆陵人父琛蘇峻作逆
后見逼奪以憂崩謚穆

成皇帝名衍字世根明帝長子太寧三年閏三月即位咸
康八年崩謚成 杜皇后名陵陽京兆人當陽侯預之
曾孫咸康七年崩謚恭

康皇帝名岳字世同成帝母弟咸康八年六月即位建元
二年崩謚康 褚皇后名蒜子河南陽翟人父哀后太

元九年崩謚獻

穆皇帝名昞字彭子康帝于建元二年九月即位升平五年崩謚穆 何皇后名法倪廬江潯人父準后永興三年崩謚章

哀皇帝名丕字千齡成帝長子升平五年五月即位興寧二年崩謚哀 王皇后名穆之太原晉陽人司徒左長史濛之女興寧二年崩謚靖

廢帝名奕字延齡哀帝母弟興寧三年二月以瑯琊王即帝位太和六年桓溫廢爲海西公太元十一年薨 庾后名道憐潁川鄆陵人父冰后太和六年崩謚孝

簡文皇帝名昱字道萬元帝少子咸安元年冬十月即位

二年崩謚簡文 王皇后名簡姬太原晉陽人父遐后
初爲會稽王妃以憂薨孝武即位追謚順皇后 李后
名陵容本出微賤孝武以所生尊爲皇太后隆安四年
崩謚文

孝武皇帝名翟字昌明簡文帝第三子咸安二年即位太
元二十一年崩謚孝武 王皇后名法慧父蘊后嗜酒
驕妬以太元五年崩謚定 陳后名歸女松滋潯陽人
父廣以倡進仕至平昌太守后生安恭二帝太元十五
年薨追尊爲皇太后謚德

安皇帝名德宗字德宗孝武長子太元二十一年即位義
熙十四年崩謚安 王皇后名神愛瑯琊臨沂人父獻

之毋新安愍公主后義熙八年崩謚禧

恭皇帝名德文字德文安帝毋弟義熙十四年即位元熙二年禪位于宋宋永初二年裕遣人弑之謚恭 楮皇后名靈媛河南陽翟人父爽后崩于宋元嘉十三年謚思

惠帝太子適字熙祖爲賈庶人所殺永康元年賈庶人死追謚愍懷 太孫臧字敬文適子爲趙王倫所殺大安初追謚景 太孫尚字敬仁適子太安元年謚冲

元帝瑯琊世子末周而卒大司農表世子降君一等宜謚哀愍大常賀循曰謚者所以表行功之目也故古者未居成人之年及名位未脩者皆不立謚是以周靈王

太子聰據明智年過成童亡猶無謚春秋諸侯即位之年稱君稱子而卒皆無謚名未成也惟晉之申生以仁孝遭命年邁成人晉人悼之故特爲謚諸國無例也乃至漢代殤冲二君皆以踰年方立謚按哀冲太孫各以幼齡立謚皆正名承重瑯琊世子雖正體乎上生而全貴適可明嫡統之義未足定爲謚之證也從也

晉宗室謚

安平王孚字叔達宣帝弟太始八年謚獻 孚子邕字子熙咸寧三年謚穆 邕弟義陽王望字子初太始七年謚成 望子河間王洪字孔業咸寧二年謚平 洪弟隨王整謚穆 整弟太原王輔太康五年謚成 輔弟

下邳王見字子明咸寧六年謚獻 見弟太原王瓌字

子泉太始十年謚烈 瓌弟高陽王珪字子璋太始十

年謚元 珪嗣子高陽王緝咸寧四年謚哀 珪弟常

山王衡字子平太始二年謚孝 衡弟沛王景字子文

咸寧元年謚順

彭城王權字子輿宣帝弟咸寧元年謚穆 權子植謚元

植子釋謚康

高密王泰字子舒權之弟永嘉三年謚文獻 泰第二子

新蔡王騰字元邁出後叔父永嘉末謚武友 騰子確

字嗣安末嘉末謚壯 泰第三子略字元簡永嘉三年

謚孝 略嗣子俊字道度本彭城康王子謚恭 俊子

絕之謚敬 略允模之子南陽王保字景度謚元 泰

次子東海王越字元超爲石勒所害元帝時追謚孝獻

范陽王綏字子都權弟惠帝永興三年謚康

濟南王遂字子伯宣帝弟咸寧三年謚惠

譙王遜字子悌宣帝弟太始二年謚剛 遜子譙王隨謚

定 遜次子承死于王敦之難謚閔 承子無忌字公

壽永和六年謚烈 無忌子恬字元瑜太玄十五年謚

敬 恬子尚之字伯道爲桓玄所害謚忠

任城王陵字子山宣帝弟咸寧五年謚景 陵子西河王

斌字子政咸寧四年謚繆 瑯琊王休字子將宣帝子

太康四年謚武 休子覲字思祖元帝父永熙元年謚

恭 伯次子武陵王澹字思弘永嘉末爲石勒所害謚
莊 澹子詰字景林亦爲石勒所害謚哀 伯子淮陵
王淮字思冲謚元 淮子融謚貞
扶風王駿字子臧宣帝子太康時謚武 駿子新野王歆
字弘舒惠帝時謚壯

梁王彤字子微永康二年謚孝

梁王卒博士蔡克議謚曰彤位爲宰相責深任重屬尊
親近且爲宗師朝所仰望下所具瞻而臨大節無不可
奪之志當危事不能舍生取義此而不貶法將安施謹
按不勤成名曰靈彤見義不爲不可謂勤宜謚曰靈彤
親黨訴枉臺乃下符曰賈氏專權趙王倫篡逆皆力制

朝野彤勢不得去而責其不能引身去朝義何所據克
重議曰彤爲宗臣而國亂不能匡主顛不能扶非所以
爲相故春秋書華元樂舉謂之不臣且賈氏之酷烈不
甚于呂后而王陵猶得杜門趙王倫之無道不甚于殷
紂而微子猶得去之近者太尉陳隼異姓之人加弟微
有射鈞之隙亦能托疾辭位不涉僞朝何至于彤親倫
之兄而獨不得去乎趙盾入諫不從出亡不遠猶不免
于責况彤不能去位北面事僞主乎宜如前議加其貶
責以廣爲臣之節明事君之道于是朝廷從克議彤故
吏復追訴不已乃改曰孝

彤嗣子僖本武陵王濬子没于石勒謚懷 禧子翹謚

聲 彤嗣子惺本西陽王羨子早薨謚殤

汝南王亮字子翼宣帝子爲楚王瑋所害元康元年追謚
文成 亮子矩字延明與父同被害追謚懷 矩子汝
南王祐字永猷成帝咸和元年謚威 祐子純成帝時
謚恭

齊王攸字大猷文帝子太康四年謚獻 攸子問字景治
懷帝永嘉中追謚武閔

城陽王兆字千秋文帝子十歲卒太始初追謚哀

遼東王定國文帝子三歲卒咸寧初追謚悼惠

廣漢王廣德文帝子二歲卒咸寧初追謚殤 廣德嗣子

贊字景期本齊獻王子太康元年謚冲

樂安王鑒字大明文帝子元康七年謚平 鑒子籍謚殤

毗陵王軌字正則武帝子二歲卒太康十年追謚悼

秦王東字弘度武帝子元康元年謚獻 東嗣子郁本淮

南王允子與兄俱被害永寧二年追謚悼

城陽王景字景度武帝子出繼叔父城陽哀王兆後泰始

六年謚懷

東海王祗字敬度武帝子泰始九年薨年三歲

楚王瑋字彥度武帝第五子質后以計殺之永寧元年謚

隱

長沙王乂字士度武帝第六子永嘉中謚厲

始平王裕字潛度武帝子咸寧三年薨年七歲謚哀

淮南王父字欽度武帝子爲趙王倫子屢所害永寧元年

倫誅追謚忠壯

代王實字宏度武帝子惠帝時謚哀

清河王遐字深度武帝子永康元年謚康

汝陰王謨字令度武帝子太康七年謚哀

吳王晏字平度武帝子洛京傾覆遇害愍帝即位謚敬一
謚孝

渤海王恢字思度武帝子太康五年薨年二歲謚殤

瑯琊王褒字道成元帝子建武元年謚孝 哀子安國太

興元年謚哀

東海王冲字道讓元帝子出後東海王越子北成帝咸康

七年謚哀

武陵王晞字道叔元帝子出後武陵王詰孝武太元六年謚威 晞子遵字茂遠安帝義熙四年謚忠敬 遵子

季度謚定

瑯琊王煥子權祖元帝子出後恭王年二歲薨謚悼

會稽世子道生字延長簡文子謚思

臨川王郁字深仁簡文子咸安時謚獻

會稽王道子字道子簡文子爲桓玄所害義熙初謚文孝

道子之子元顯爲桓玄所害義熙元年追謚忠

顯嗣子修之本臨川王寶子謚悼

晉公主謚

惠帝女賈后所生未適人諡哀獻

簡文帝女新安公主適王獻之諡愍

續文獻通考卷之一百三十八

續文獻通考卷之一百三十九

皇明進士雲間王圻纂輯

謚法考 晉群胡逆臣宋南齊

晉諸臣謚

驃騎將軍錄尚書事散騎常侍博陵縣公王沉字處道太原晉陽人武帝泰始二年謚元

太保睢陵公王祥字休徵瑯琊臨沂人世祖泰始六年謚元 上洛太守睢陵侯王懷祥之子武帝咸寧初謚孝

光祿大夫即丘子王覽字玄通祥弟咸寧四年謚貞丞相始興郡公王導字茂弘覽之孫成帝咸和五年謚

文獻

晉自漢魏以來賜謚多由封爵雖位通德重先無爵者
例不加謚導乃疏言武官有爵必謚卿校常伯無爵不
謚甚非制度之本意自後公卿無爵而謚導所議也
中書侍郎王悅字長豫導子先導卒謚貞 散騎常侍
贈中軍將軍即丘子王恬字敬豫導次子謚憲 建威
將軍吳國內史贈車騎將軍王邵字敬倫導子謚簡
揚州刺史錄尚書事贈侍中司徒王謚字稚遠本邵子
以後協義熙三年謚文恭 散騎常侍贈車騎將軍開
府王珣字元琳導孫洽子謚獻穆 撫軍將軍會稽內
史贈車騎大將軍儀同三司彭澤侯王舒字處明導從
弟謚穆 衛將軍會稽內史番禺縣侯王允之字深猷

舒子咸康末謚忠 輔國將軍散騎常侍贈侍中驃騎
將軍武陵縣侯王廙字世將導從弟明帝時謚康 尚
書右僕射贈特進衛將軍散騎常侍關內侯王彬字世
儒廙弟謚肅 護軍將軍散騎常侍贈光祿大夫儀同
三司王彪之字叔虎彬次子太元二年謚簡 中書令
贈侍中特進光祿大夫太宰王獻之字子敬導族孫安
僖皇后父謚憲

陵江將軍贈使持節安南將軍武陵太守追封西鄂侯羅
憲字令則襄陽人泰始六年謚烈

司空鉅鹿郡公裴秀字季彥聞喜人泰始七年謚元 尚
書左僕射侍中裴頠字逸民秀第三子惠帝時謚成

中書令侍中光祿大夫開府儀同三司臨海侯裴楷字叔則謚元 散騎常侍臨海侯裴輿字祖明楷子謚簡
司徒樂陵侯石苞字仲容南皮人泰始八年謚武

司空儀同三司安成鄉侯鄭袤字林叔滎陽開封人泰始九年謚元 光祿勳鄭默字思玄袤子武帝大康元年謚成 贈金紫光祿大夫平壽公鄭球字子瑜默子永
嘉二年謚元

大傅壽光公鄭冲字文和開封人泰始十年謚成

侍中太尉臨淮公荀顗字景倩潁川人魏太尉或之第六子泰始十年謚康 尚書令贈司徒濟北郡公荀勗字公曾潁川潁陰人漢司徒爽曾孫大康十年謚成 衛

尉荀輯勗子謚簡 輯子峻謚烈 留臺太尉贈太保

荀藩字公堅勗第二子愍帝建興元年謚成 尚書贈

光祿大夫荀邃字道玄藩子謚靖 侍中尚書射陽公

贈衛尉荀閭字道明藩子太寧二年謚定 太尉領太

子太保荀組字大章勗第三子永熙初謚元 散騎常

侍侍中贈太僕荀奕字玄欣組子咸和七年謚定

太常卿觀陽伯華表字偉容平原高唐人咸寧元年謚康

光祿大夫開府儀同三司觀陽伯華廙字長駿表長

子惠帝時謚元 太常贈左光祿大夫開府花陵縣侯

華恒字敬則廙子成帝時謚敬 秘書監加散騎常侍

贈少府樂鄉侯華嶠字叔駿表第三子元康三年謚簡

司隸校尉追封清泉侯傳玄字休奕北地宜陽人咸寧四年謚剛 贈司隸校尉清泉侯傳威字長虞玄子元康四年謚貞

衛將軍開府儀同三司大梁侯盧欽字子若范陽涿人咸寧四年謚元

司空朗陵公何曾字穎考陽夏人咸寧四年禮官議謚謬 魏帝賜謚孝太康末子邵自表改謚元 博士秦秀議太宰何曾雖皆世族之胤而少以高亮嚴肅顯登王朝事親有色養之名在官奏科尹之模此二者寔得臣子事上之槩然資性驕奢不循執則暨乎耳順之年身兼三公之位食大國之租荷保幘之貴執司徒之均二子

皆金貂卿校列于帝側方之古人責深肩重雖舉門盡死猶不稱位而乃驕奢過度名被九域行不履道而享位非常穢皇代之美壞人倫之教生天下之醜示後世之傲莫大于此自近世以來宰相輔臣未有受垢辱之聲被有司之劾父子塵累而蒙恩貸若魯者也按謚法名與寔爽曰謬胡亂肆行曰醜魯之行也並與此同宜謚謬醜公帝不從謚曰孝

特進尚書左僕射贈司徒何辟字敬祖魯之子惠帝永寧元年謚康

太傅鉅平侯羊祐字叔子南城人咸寧時謚成

前將軍監青州諸軍事青州刺史贈使持節都督青州諸

軍事鎮東將軍平春侯胡威字伯武一名貌淮南壽春人太康元年謚烈

司徒廣陵侯李胤字宣伯襄平人太康三年謚成

使持節都督秦涼二州諸軍事侍中車騎將軍魯公賈充字公閭平陽人太康三年謚武充老病自憂謚傳從子模曰是非父自見不可掩也卒後無嗣妻郭槐以外孫韓謚爲世孫及太常議謚博士秦秀曰充悖禮溺情以亂大倫昔卽養外孫苕公子爲後春秋書莒人滅鄆絕父祖之血食開朝廷之亂源按謚法昏亂紀度曰荒請謚荒公晉主更曰武侍中光祿大夫贈車騎將軍開府儀同三司賈模字思範充從子賈后時憂讒而卒

謚成

司徒侍中新沓伯山濤字巨源河內懷人太康四年謚康
撫軍大將軍開府儀同三司加特進襄陽侯王濬字士治
弘農湖人太康六年謚武

尚書平陵男郭奕字大業陽曲人大康八年謚簡 初有
司議郭奕謚景與景帝同請改謚曰穆詔賜謚曰簡孝
武大元四年光祿勳王欣 援周制謂郭奕不宜改謚
徐邈奏郭奕改謚不以犯嫌武帝永平元年詔書貴賤
不嫌同謚周公謚文君父同稱名行不殊謚何得異尚
書奏文武舉其一致聖賢有時而同宜如王欣之所陳
詔可

安南將軍廣州牧武當侯滕修字顯先西鄆人太康九年
謚忠 初太常謚修曰聲修之子䟽言亡父修羈縶吳
壤爲所驅馳幸逢開通沐浴至九得從俘虜握戎馬之
要未覩聖顏季南藩之重實由勲勞少聞天聽故也年
衰疾篤屢乞骸骨未蒙垂哀奄至薨隕臣承遺意輿襯
還都瞻望雲闕寔懷痛裂竊聞博士謚修曰聲直彰流
播不稱行蹟不勝愚情冒昧聞訴帝乃賜謚忠 平南
將軍廣州刺史夏陽縣開國侯滕含修孫謚戴

散騎常侍郵城公曹志字元恭故魏陳思王庶子太康九
年謚定

司隸校尉特進贈征南大將軍開府儀同三司常陽侯杜

預字元凱杜陵人太康時謚成 丹陽丞當陽侯杜乂
字弘理預孫成恭皇后父咸康初謚穆

侍中尚書太常劉智字子房高唐人太康末謚成 特進
光祿大夫開府儀同三司太尉循陽侯劉寔字子直智
兄永嘉中謚元

特進散騎常侍輔國大將軍開府儀同三司甘露亭侯羊
琇字稚舒景獻皇后從父弟泰山南城人武帝時謚成
特進光祿大夫贈大保祁侯李喜字季和銅鞮人武帝時
謚成

左僕射左光祿大夫開府儀同三司薛縣侯武陟字元夏
沛國竹邑人武帝時謚定

右光祿大夫儀同三司司徒劄陽子魏舒字陽元樊人惠
帝永熙元年謚康

大司馬贈大傅高平公陳騫東陽人惠帝元康二年謚武
尚書左僕射領軍持節西戎校尉錄尚書事雍州刺史魏
允金城人愍帝爲劉聰幽辱允發憤自殺聰嘉其忠烈
僞謚節愍

太尉昌安縣侯石監字林伯厭次人元康初謚元

太保蘭陵公衛瑾字伯玉安邑人元康元年謚成 瑾與

太宰亮等俱爲賈后所殺瑾女與國人書曰先公名謚
未顯一國無言春秋之責其咎安在劉繇搆登聞鼓訟
瑾寃乃復瑾爵位謚曰成 黃門郎贈長沙校尉蘭陵

世子衛恒字巨山瑋之子謚貞

太子少傅散騎常侍光祿大夫贈金紫上蔡伯和嶠字長
輿汝南西平人元康二年謚簡

前將軍上庸縣侯唐彬字儒宗魯國鄒人元康四年謚襄

侍中司徒錄尚書事京陵公王渾字玄冲太元晉陽人元

康七年謚元 司徒安豐侯王戎字濬冲渾子永興二

年謚元 軍諮祭酒王澄字平子戎弟為敦所害明帝

時敦平追謚憲 散騎常侍尚書令征虜將軍贈侍中

驃騎將軍開府監田縣侯王述字懷祖渾從孫太和五

年謚穆避穆帝諱改謚簡 中書令都督徐亮青三州

刺史贈安北將軍藍田侯王坦之字文度述子謚獻

建武將軍荊州刺史贈右將軍王忱字元達坦之子謚
穆 廬陵太守王嶠字開山述族子咸和時謚穆

行討虜護軍平陽太守贈散騎常侍李重字茂曾鍾武人
永康初謚成

左僕射鎮東大將軍開府儀同三司贈車騎將軍夏陽子
胡奮字玄威臨涇人惠帝時謚壯

後將軍王愷字君夫文明皇后弟東海鄉人惠帝時謚
光祿大夫劉頌字子雅廣陵人惠帝時謚貞

游擊將軍贈司空安樂亭侯索靖字幼安敦煌人永安末
謚壯

左光祿大夫開府領司徒大陵縣公溫羨字長卿太原祁

人懷帝時謚元

驃騎將軍開府儀同三司贈侍中始

安郡公溫嶠字太真羨弟之子明帝時謚忠武

侍中贈太尉光祿大夫弋陽侯嵇紹字延祖魏中散大夫
康之子元帝時謚忠穆 紹爲博士時太尉廣陵公陳
準薨太常奏謚紹駁曰謚號所以垂之不朽大行受大
名細行受細名文武顯於功德幽厲表於閭蔽自墳禮
官協請謚不依本準謚爲過宜謚爲謬事下太常時雖
不從朝廷憚焉後紹死蕩陰之難故以忠穆爲謚 平
越中卽將廣州刺史稽含字君道紹從子爲劉弘司馬
郭勵所害懷帝初謚憲

贈平西將軍周處字子隱義興陽羨人元帝爲晉王時謚

孝 處死千萬年之亂元帝時將加處策謚太常賀循
議曰處履德清方才量蓋世歷守四郡安人立政入司
百僚貞節不撓在我致身見危授命此皆忠賢之茂實
烈士之遠節按謚法執德不回曰孝遂以爲謚 建武
將軍軍諮祭酒贈輔國將軍烏程公周玘字宣佩處子
謚忠烈

左光祿大夫開府儀同三司贈司空賀循字彥先山陰人
大興二年謚穆

梁州刺史贈征西將軍尋陽縣侯周訪字士達本汝南崇
成人後家尋陽太興三年謚壯 鎮西將軍贈征西將
軍建威公周撫字道和訪子哀帝興寧三年謚義 冠

軍將軍建城公周楚字元孫撫子廢帝太和中謚定
少府丹陽尹侍中中護軍贈金紫光祿大夫西平侯周謨
汝南安成人謚貞 太子少傅吏部尚書護軍將軍贈
左光祿大夫儀同三司周覲字伯仁謨兄爲王敦所害
謚康 護軍領秘書監贈金紫光祿大夫周閔字子憲
覲子謚烈

散騎常侍贈侍中驃騎將軍開府儀同三司嘉興公顧榮
字彥先吳郡人元帝時謚元 領軍將軍贈特進光祿
大夫鄱陽縣伯顧衆字長姑榮族弟永和二年謚靖
左光祿大夫儀同三司散騎常侍尚書令贈侍中司空
顧和字君孝衆之族子永和七年謚穆

武昌太守贈征虜將軍秦州刺史平阿縣侯趙誘字元孫
淮南人元帝時謚敬

侍中太尉廣武侯劉琨字越石中山魏昌人爲段匹磾所
害元帝時謚閔 贈驃騎將軍定襄侯劉輿字慶孫琨
兄洛陽未敗時卒謚貞

秘書監贈光祿大夫散騎常侍都亭侯華譚字令思廣陵
人元帝時謚胡

國子祭酒贈大鴻臚杜夷字行齊廬江譙人明帝太寧元
年謚貞

鎮南大將軍侍中都督贈驃騎將軍十洲侯甘卓字季思
丹陽人太寧中追謚敬

驃騎將軍常侍贈開府儀同三司臨湘縣侯紀瞻字思遠
秣陵人明帝永謚穆

尚書右僕射散騎常侍銀青光祿大夫贈左光祿大夫儀
同三司建安伯諸葛恢瑯琊陽都人成帝初謚敬

護軍將軍安樂伯陶回丹陽人咸和二年謚威

右光祿大夫開府儀同三司錄尚書事秘書監贈侍中平
樂伯荀崧字景猷臨潁人咸和三年謚敬

平南將軍江州刺史贈觀陽縣侯征南大將軍儀同三司
應詹字思遠汝南南頓人咸和六年謚烈

都督江荆豫益梁雍六州諸軍事領豫荆江三州刺史儀
同三司贈太尉永昌公庾亮字元規明穆皇后之兄鄢

陵人咸康六年謚文康 輔國將軍豫州刺史西中郎

將贈衛將軍廣饒男庾懌字叔豫亮弟穆帝時謚簡

車騎將軍贈侍中司空庾永字季堅懌弟穆帝時謚忠

成 征西將軍領南蠻校尉贈車騎將軍都亭侯庾翼

字稚恭永弟永和元年謚肅

按亮以外戚輔勿主任法裁物頗失衆心至明除宗室

激叛蘇峻陶侃謂朝政多門喪亂有自蓋指亮耳後遷

武昌輕信趙胤賈寧卒致邾城之陷竟以憂死懌初監

秦州誤用霍佐亡奔石季龍遭貶爵秩逮鎮蕪湖鴆殺

江州刺史王允之成帝曰大舅已亂天下小舅復爾則

文康與簡二謚殆未協輿論也

太史昭太常咸亭侯謝鯤字幼輿陽夏人明帝時謚康

鎮西將軍散騎常侍衛將軍贈開府儀同三司咸亭侯

謝尚字仁祖鯤之子升平初謚簡太保贈太傅廬陵

郡公謝安字安石尚從弟謚文靖會稽內史贈侍中

司空望蔡公謝琰字瑗度安子與二子肇峻俱死孫恩

之難安帝時謚忠肅散騎常侍左將軍會稽內史贈

車騎將軍開府儀同三司康樂縣公謝玄字幼度安兄

奕子謚獻武散騎常侍衛將軍贈司空南康郡公謝

石字石奴安弟謚襄石無他才望而聚斂無厭范弘之

左光祿大夫開府儀同三司衛將軍贈侍中車騎大將軍

江陵公陸曄字士光吳郡人咸和中謚穆侍中司空

興平伯陸玩字士瑤曄弟謚康

侍中太尉贈大司馬長沙郡公陶侃字士行本鄱陽人徙家尋陽咸和七年謚桓散騎常侍贈大鴻臚都亭侯陶瞻字道真侃子爲蘇峻所害謚愍悼南郡太守贈平南將軍當陽亭侯陶璠字彥遐侃兄子謚肅

護軍將軍散騎常侍贈衛將軍長平縣伯褚裒字季野康獻皇后父裒從父弟永和五年謚元穆

領軍將軍給事中贈侍中驃騎將軍開府儀同三司咸陽公卞壺字望之宛句人死于蘇峻之難咸康時謚忠貞

尚書贈光祿大夫少府散騎常侍安陵亭侯卞敦字仲仁壺從兄謚敬

侍中右衛將軍贈衛尉原鄉亭侯劉超字世瑜瑯琊臨沂人爲蘇峻所害咸康時謚忠

國子祭酒散騎常侍贈光祿大夫長合鄉侯袁瓌字山甫襄陽人成帝時謚恭 龍驤將軍江夏相贈益州刺史湘西伯袁喬字彥叔瓌子謚簡

驃騎將軍贈右光祿大夫儀同三司戴淵字若思廣陵人爲王敦所害謚簡 尚書僕射贈衛將軍戴邈字望之淵弟謚穆

鎮軍將軍會稽內史散騎常侍贈車騎將軍開府儀同三

司餘不亭侯孔愉字敬康會稽山陰人咸康八年謚貞
永安伯孔沉字德度愉從子謚簡散騎常侍贈光
祿勳晉安男孔坦字君平愉從子謚簡

右光祿大夫開府儀同三司侍中衛將軍贈左光祿大夫
武昌侯虞潭字思奧餘姚人康帝時謚孝烈

左光祿大夫國子祭酒散騎常侍贈侍中永安伯丁潭字
世康會稽山陰人康帝時謚簡

驃騎將軍錄尚書事贈司空都鄉侯何充字次道廬江潛
人永和二年謚文穆

散騎常侍贈太常萬寧縣男桓彝字茂倫龍亢人死蘇峻
之難賊平謚簡都督司豫二州軍事領鎮蠻護軍西

陽太守贈平南將軍萬寧男桓雲字雲子曇子穆帝升
平四年謚貞 車騎將軍侍中太尉豐城公桓冲字幼
子曇子謚宣穆 征西大將軍贈司空桓豁字子朗雲
弟謚敬 建威將軍江州刺史江夏相贈南中郎將桓
嗣字恭祖冲子謚靖

光祿勳贈特進光祿大夫散騎常侍王遐字桓子簡順皇
后父太康晉陽人孝武寧康初謚靖

侍中太尉贈南昌縣公郗鑒字道徽高平金鄉人謚文成
冠軍將軍會稽內史贈侍中司空南昌公郗愔字方
回鑒長子太元九年謚文穆 建威將軍贈北中郎將
東安縣開國伯郗曇字重熙鑒次子謚簡

侍中庾珉字子琚潁川鄆陵人太元末謚貞

給事中領著作庾闡字仲初潁川鄆陵人謚貞

平北將軍交青二州刺史贈侍中太保王恭字孝伯以反
死桓玄執政表謚忠簡

都督江荆等八郡軍事鎮南將軍安城郡公贈侍中司空
、何無忌東海郟人盧循之亂無忌握節而死義熙初謚
忠肅

輔國將軍交青二州刺史領南蠻校尉贈太常散騎常侍
江陵縣公魏詠之字長道任城人義熙時謚桓

荊州都督贈新城郡公劉弘字和季沛國相人元熙元年
謚元

安北將軍徐兗二州刺史贈散騎常侍都鄉侯范汪字玄平南昌順陽人謚穆

冠軍侯郭彰字叔武太原人謚烈

侍中國子祭酒西平侯顏含字弘都瑯琊華人謚靖

大常昌國縣侯任愷字元褒樂安人謚元

左光祿大夫開府儀同三司贈待中司空濟陽男蔡謨字

道明陳留考城人謚文穆 博士曹耽定謚曰穆司徒

左長史孔嚴與王彪之書曰穆誠美謚然蔡公德業既

重又先帝師傳居總錄任則是參二宰相也考行定名

不可不詳彪之答曰按謚法布德執義曰穆名目殊爲

不輕泰始張皇后太寧庾皇后並謚曰穆魏司空陳泰

王景賀循皆名士也亦謚曰穆又中朝及中興魯居師傳及錄臺事者亦皆不復謚如山李二司徒吾族父少豐侯戎近賀司空循荀太尉顓周光祿觀是已吾謂此謚弘美不宜翻改遂止

散騎常侍安南將軍南夷校尉寧州刺史褒中縣公王遜字邵伯魏興人謚壯

護國將軍贈右將軍散騎常侍永修縣侯桓伊字叔夏譙國鉅人謚烈

右將軍西蠻校尉益州刺史領建平太守贈中軍將軍建安侯毛穆之字憲祖陽武人謚烈

贈車騎將軍汾陽侯楊文宗武元皇后父弘農華陰人謚

穆自安北將軍至此謚時未詳

尚書右僕射冀州刺史安邑公薛興謚壯 梁州刺史薛

濤興子謚忠惠 地與謚時俱未詳

晉異姓王謚

前涼西平郡公張軌字士彥安定烏氏人張耳十七代孫
謚武 軌子實字安遜太興三年卒私謚昭元帝賜謚
元 實弟茂字成遜咸和初卒私謚成 實子駿字公
庭永和時卒私謚文穆帝追謚忠成 駿子重華字泰
臨永和二年始自稱持節大都督太尉護羌校尉涼州
牧河西公假梁王升平初卒私謚昭又改桓穆帝賜謚
敬烈 重華子曜靈字元舒爲伯父祚所弑私謚哀

重華庶子玄靚字元安寧康初卒年十四私謚冲孝武
賜謚哀

前凉天水太守衛將軍贈武衛將軍安西亭侯李弇建初
中追謚景

弇本名良以妻姓梁張駿謂子孫當避熾故改

弇子景字仲堅建初中追謚簡

後凉公李暠字玄盛小字長生隴西成紀人景之子李廣
十六世孫在位十三年薨國人私謚武昭唐天寶二年
追號興聖皇帝 暠子讓字士遜謚穆 暠孫寶字懷
素晉大安五年謚宣

右西平公稱前凉凉公稱後凉二凉累世修藩臣禮故
晉史著于列傳而貴輿通考亦列于宗室王之後爲異

姓王余今因之

群胡君臣僞謚

後凉呂光字世明畧陽氏人仕苻堅封都亭侯堅死自稱
凉州牧晉大元二十一年僭即天王位隆安二年死謚
懿武皇帝廟號太祖 光庶長子纂字永緒晉隆安四
年僭號元興元年爲呂超所殺呂隆篡位謚爲靈皇帝
光子紹嗣位未幾爲纂所奪以纂咸寧元年謚隱王
光弟寶以隆神鼎元年追謚文皇帝 光高祖猷以
光麟嘉時追謚敬公 光祖猷以麟嘉時追謚宣公
光父婆樓以麟嘉時追謚景昭王母曰昭烈妃

南京秃髮烏孤鮮卑人晉隆安元年自稱大都督大將軍

大單于西平王段業僭號拜涼州牧尋死在王位三年
謚武廟號烈祖 烏孤弟利鹿孤以隆安三年即位居
三年死謚康 利鹿孤弟禪檀以晉元興元年嗣位在
位十三年死謚景

北涼沮渠蒙遜臨松廬水胡人晉義熙八年僭即河西王
位魏泰武時拜涼州牧涼王在位二十三年死謚武宣
王廟號太祖 蒙遜諸子牧犍爲魏太武所殺塋以王
禮謚哀

前趙劉淵字元海新興匈奴人冒頓之後咸熙初爲任子
于洛陽太康末拜北部都尉成都王穎拜爲大單于永
興元年僭即漢王位永嘉二年僭號四年死謚光文皇

帝廟號高祖 淵子聰字玄明殺其兄和襲位晉太興

元年死謚昭武皇帝廟號烈宗 妻劉娥謚武宣王后

姊英謚武德皇后 淵族子曜字永明晉太興元年

僭號改元光初十年而死 妻卜氏謚元悼皇后 劉

氏謚獻烈皇后 羊氏謚獻文皇后 羊氏即晉之惠后

也 曜高祖亮光初元年謚景皇帝 曜曾祖廣光初

元年謚獻皇帝 曜祖防光初元年謚懿皇帝 曜父

考光初元年謚宣成皇帝 母胡氏謚宣明皇太后

後趙石勒字世龍上黨武鄉羯人晉太興二年僞稱趙王

咸和五年僭號改元建平咸和七年死謚明皇帝廟號

高祖 勒從子虎字季龍弒勒子弘而自立稱居攝趙

天王晉永和五年僭號太和六年死石遵篡位謚爲武
皇帝廟號太祖 勒高祖以建平元年追謚順皇 勒
曾祖以建平元年追謚威皇 勒祖邪以建平元年追
謚宣皇 勒父周以建平元年追謚元皇帝廟號世宗
妣追謚元昭皇太后 虎祖翊邪以即僞天王元年
追謚武皇帝 虎父寇覓以即僞天王元年追謚孝皇
帝廟號太宗

僞右長史大執法濮陽侯贈散騎常侍右光祿大夫張賓
字孟孫趙郡中丘人石勒時謚景

魏冉閔字永曾魏郡內黃人初爲石虎養孫姓石晉永和
六年盡殺石氏子孫僭號改國曰大魏復姓冉後爲慕容

容儁所殺太和八年儁復謚爲武悼天王 閔祖隆以
永興元年追謚元皇帝 閔父瞻以永興元年追謚高
皇帝廟號烈祖

夏赫連勃勃匈奴右賢王去卑之後而劉淵之族子僭號
十四年以宋元嘉二年死謚武烈皇帝廟號世祖 勃
勃高祖訓兒以真興元年追謚元皇帝 勃勃曾祖武
以真興元年追謚景皇帝 勃勃祖豹子以真興元年
追謚宣皇帝 勃勃父衛辰以真興元年追謚桓皇帝
廟號太祖 母符氏謚桓文皇后

後蜀李特字玄休巴蜀宕渠人初以流人入蜀益州刺史
趙廞之反特討而誅之拜宣威將軍封長樂鄉侯太安

元年自稱益州牧後與羅尚戰敗被殺雄僭號追謚景
皇帝廟號始祖 特子雄字仲雋晉永興初僭號咸和
八年死謚武皇帝廟號太宗 雄子期字世運初雄死
兄子班嗣班爲雄子越所弑因踐位後李壽廢爲邛都
縣公幽之別宮以晉咸康三年自縊死謚幽 特弟流
字玄通始朝廷以討趙廞功拜奮威將軍封武陽侯特
死流自稱益州牧後病死雄僭號追封秦王謚文 雄
曾祖武以建興元年追封巴郡公謚桓 雄祖慕以建
興元年追封隴西王謚襄 李驤以漢興元年追謚獻
皇帝 驤子壽字武考晉咸康四年僭號八年死謚昭
文帝廟號中宗

前燕慕容廆字奕洛棘城鮮卑人晉武帝時拜爲鮮卑都督元帝時拜監平州諸軍事安北將軍平州刺史尋加使持節都督幽州東夷諸軍事車騎將軍平州牧遼東公咸和八年卒贈大將軍開府儀同三司謚襄僖僖號追謚武宣皇帝廟號高祖廆第三子皝字元真太寧末年封爲朝鮮公已嗣廆位成帝時拜大將軍封燕王永和四年卒雋僭號追謚文明皇帝廟號太祖妻蘭氏慕容垂之母垂僞建興元年追謚文昭皇后皝子雋字宣英永和五年即燕王位八年僭號升平四年死謚景昭皇帝廟號烈祖昭儀段氏慕容垂時謚景德后雋子晞字景茂升平四年即位後爲苻堅所殺慕容

容德僭號謚幽皇帝 雋太子曄以雋元璽時死謚獻
懷

後燕慕容垂字道明皝第五子雋僭號時封吳王奔符堅
爲冠軍將軍封賓都侯晉太元十一年即位二十年死
謚成武皇帝廟號世祖 垂子寶字道祐垂死之年嗣
位隆安三年爲蘭汗所弑謚惠愍皇帝廟號烈祖 寶
子盛字道運寶死嗣位隆安五年死謚昭武皇帝廟號
中宗 垂少子熙字道文盛死嗣位六年爲高雲所弑
謚文皇帝 昭儀苻氏以僞光始時死謚愍皇后 寶
養子雲字子雨本姓高氏既弑熙僭即天王位爲幸臣
離班等所弑謚惠懿皇帝 盛伯父全以僞建平時追

謚獻莊皇帝 妻丁氏謚獻莊皇后 盛太子東以偽
建平時追謚獻哀 贈太宰符謨符氏父偽光始時謚
文獻

南燕慕容德字玄明號之少子雋僭號封爲梁公後遂僭
即皇帝位以晉義熙元年死謚獻武皇帝 德兄納晉
義熙三年子超僭號追謚穆皇帝

北燕馮跋字文起長樂信都人以晉義熙五年僭稱天王
至宋元嘉七年因中山公弘之變驚遽而死謚文成皇
帝廟號太祖 跋少弟弘字文通初封中山公殺偽大
子翼自立宋元嘉十五年爲高麗所殺謚昭成皇帝

跋祖和以僞太平元年追謚元皇帝 跋父安以僞太

平元年追謚宣皇帝

前秦苻洪字廣世畧陽臨渭氏人永和六年拜征北大將軍冀州刺史廣川郡公已自稱大將軍大單于三秦王爲麻秋所鴆健僭號謚惠武帝 洪子健字建業永和八年僭號十二年死謚明皇帝 健子生字長生永和十一年僭號二年苻堅廢爲越王殺之謚厲王 洪子雄字元才堅僞永興元年追謚文桓皇帝 雄子堅字永固升平元年僭號太元十年爲姚萇縊死不僭號謚宣昭皇帝廟號世祖呂光又謚爲文昭皇帝 堅子丕字永叙太元十年僭號二年死謚哀平皇帝 堅族孫登字文高太元十一年僭號十九年爲姚興所殺子崇

僭號謚爲高皇帝廟號太宗 使持節侍中都督中外
諸軍事丞相錄尚書符法堅異母兄堅母忌而殺之謚
哀 征南大將軍開府儀同三司贈大司馬符融字博
休堅之弟謚哀

司徒贈丞相侍中清河縣侯王猛字景畧北海劇人謚武
始平郡太守贈車騎大將軍儀同三司徐嵩字元高符登
時謚忠武

贈太師王嘉善卜堅謚文

後秦姚弋仲南安赤亭羌人永和七年拜使持節六夷大
都督都督江淮諸軍事車騎大將軍儀同三司大單于
高陵郡公八年卒謚景元皇帝廟號始祖

弋仲子萇字景茂以太元十一年僭號十八年死謚昭
武皇帝廟號太祖 萇子興字子畧太元十九年僭號
義熙十二年死謚文桓皇帝廟號高祖 弋仲子襄字
景國自稱大將軍大單于晉升平元年戰敗爲苻堅所
殺萇僭號追封魏王謚武

輔國將軍司隸校尉尚書右僕射清河侯尹緯字景亮天
水人永興時謚忠成

右光祿大夫左戶尚書薛琕謚宣

西秦乞伏國仁隴西鮮卑人以晉武太元十年自稱大都
督大將軍大單于領秦河二州牧十三年死謚宣烈王
廟號烈祖 國仁弟乾歸嗣國仁爲大都督大將軍大

單于河南王晉義熙三年僭稱秦王六年爲兄子公府
所弑謚武元王

仇池公楊定謚武 定子盛謚惠文 盛子玄謚孝昭

逆臣僞謚

桓溫字元子萬寧簡男葵之子仕晉爲大司馬封南郡公
孝武時卒玄僞永始元年追謚宣武皇帝廟號太祖
妻南康公主謚宣皇后 桓玄字靈寶溫之子義熙初
益州督護馮遷殺之逆徒謚爲武悼皇帝

宋帝后謚

孝穆皇帝彭城綏輿里人姓劉氏名翹漢楚元王交二十
一世孫晉時爲郡功曹子裕受禪追謚考穆皇帝 蕭

續文獻通考

卷之二百五

三

皇后名文肅蘭陵人父卓晉洮陽令后爲孝穆繼室景平元年崩謚孝懿

高祖名裕永初元年崩謚武皇帝 臧皇后名愛親東莞

人父雋郡功曹后以義熙四年崩武帝踐祚追謚敬皇

后 胡嬪好太祖生母元嘉元年追尊爲皇太后謚章

太祖名義隆武帝第二子元嘉元年皇太后廢少帝爲營

陽王奉迎入嗣元嘉三十年崩謚文皇帝 袁皇后名

齊嬀陳郡陽夏人光祿大夫湛之庶女元嘉十七年薨

有司奏謚宣特詔謚元 路后名惠男丹陽建康人生

孝武拜爲淑媛明帝踐祚號崇德太后薨謚昭 沈后

名容姬爲文帝美人生明帝拜婕妤明帝即位尊爲皇

太后薨謚宣

世祖皇帝名駿文帝第三子大明八年崩謚孝武 王皇后名憲嫺瑯琊臨沂人初拜武陵王妃即位立爲后廢帝時崩謚文穆 殷淑妃謚宣 孝武最愛淑妃淑妃卒吏部尚書江智淵謚爲懷孝武以爲不盡美憾之嘗請淑妃墓指石柱曰此上不容有懷字智淵以憂卒後進貴妃改謚宣

廢帝名子業孝武長子永光二年廢被弑 何皇后名令婉廬江瀟人孝建三年納爲太子妃大明五年薨于東宮謚獻

太宗皇帝名或文帝第十一子泰豫元年崩謚明 王皇

后名貞風臨沂人初拜淮陽王妃即位立爲后順帝禪位同遜東邸薨于齊建元元年謚恭

汝陰王名準明帝第三子廢帝昱遇弒蕭道成迎立爲帝昇平三年禪位道成封汝陰王監人殺之謚順

宋宗室謚

長沙王道憐武帝中弟永初三年謚景 道憐子義欣謚成 義欣子瑾謚悼 義欣弟桂陽侯義融謚恭 義融子覲謚孝 覲弟臨澧侯襲謚忠 道憐子新渝侯義宗字伯奴謚惠 義宗子玠謚懷 道憐子興安侯義賓謚肅 義賓子綜謚惠 道憐子營道侯義恭謚僖

臨川王道規字道則武帝少弟義熙八年謚烈武道規
嗣子義慶本長沙景王子元嘉二十一年謚康義慶
子畢爲元凶所誅謚哀

南城縣侯懷慎武帝從弟少帝景平元年謚肅懷慎從
孫順陽縣侯亮明帝時謚剛

營浦侯遵考武帝族弟廢帝元年謚元

廬陵王義直武帝子爲徐羨之所殺元嘉元年追復先封
謚孝獻義真嗣子敬先本南平王鑠子景和二年爲
前廢帝所害謚恭義真嗣子嵩字淵華本臨澧忠王
子順帝昇明元年謚元

江夏王義恭武帝子爲廢帝所害太宗定亂後謚文獻

義恭子獻字元秀世祖大明二年追謚宣 獻弟新吳

侯韶字元和謚烈 韶弟平都侯坦字元度謚懷 坦

弟江安侯元諒謚愍 元諒弟興平侯元粹謚悼 元

粹弟伯禽初謚哀世子後改謚愍 伯禽弟永修侯仲

容謚殤 仲容弟永陽侯叔子謚殤

衡陽王義季武帝子元嘉二十四年追贈侍中司空謚文

義季子嶷字子岐大明七年謚恭

臨武侯棕南郡王義宣子武帝孫謚悼

南平王鐔字休元文帝第四子爲世祖所毒贈侍中司徒

謚穆 鐔長子敬猷爲前廢帝所殺太宗即位贈侍中

謚懷 鐔次子安南侯敬淵爲前廢帝所殺太宗贈黃

門侍郎謚悼

建平王宏字休度文帝第七子孝武大明二年贈侍中司徒謚宣簡

晉平王休祐文帝第十三子明帝忌其剛戾以泰始七年令人殺之贈司空謚刺

鄱陽王休業文帝第十五子孝武孝建三年贈太常謚哀臨慶王休倩文帝第十六子孝建元年謚冲

新野王休文文帝第十七子明帝泰始五年謚懷

巴陵王休若文帝第十九子泰始七年明帝忌而殺之贈侍中司空謚哀

始平王子鸞字孝羽孝武第八子前廢帝忌而殺之明帝

泰始初謚孝敬 子鸞嗣子延年字德冲本建平王景
子泰始四年薨年四歲謚冲

齊王子羽字孝英孝武第十四子大明二年生三年卒追
謚敬

晉陵王子雲字孝舉孝武第十九子大明六年卒四歲謚
孝

南海王子師字孝友孝武第二十二子景和元年爲前廢
帝所害明帝即位追謚哀

淮陽王子胄字孝雲孝武第二十七子泰始二年賜死年
四歲謚思

邵陵王友字仲賢明帝第七子昇明三年薨謚殇

宋公主謚

曾稽公主武帝女適徐逵之謚宣

宣城公主武帝女適周嶠謚德

始安公主武帝女適褚湛之謚哀

吳郡公主武帝女爲褚湛之繼室謚宣

臨淮公主武帝女謚康哀

東陽公主文帝女適王僧綽謚獻

南郡公主文帝女適褚淵謚獻

宋諸臣謚

侍中司徒南康郡公劉穆之字道和東莞莒人義熙十三年卒武帝永初時謚文宣左衛將軍吳郡太守贈征

虜將軍德陽縣侯劉式之子延叔穆之中子謚恭 吳
興太守劉瑀字茂琳式之子大明二年謚剛 使持節
督騎常侍都督雍涼南北秦四州郢州之竟陵隨二郡
諸軍事安北將軍寧蠻校尉雍州刺史贈侍中司空康
樂郡侯劉秀之字道寶東莞莒人穆之從父兄子大明
八年卒謚忠成

領軍將軍散騎常侍西昌縣侯檀祗字恭叔高平金鄉人
武帝永初初謚威

安西司馬征虜將軍贈左將軍青州刺史龍陽縣侯王鎮
惡北海劇人謚之孫武帝受命謚莊

太子左衛率侍中太尉袁淑陽夏人武帝初以死難謚忠

憲

會稽太守褚淡之字仲原河南陽翟人少帝景平二年謚
質尚書左僕射都鄉侯褚湛之字休玄淡之兄子大
明四年謚敬

尚書右僕射贈侍中左光祿大夫開府儀同三司晉寧縣
男袁湛字士深陳郡陽夏人文帝元嘉初謚敬輔國
將軍吳郡太守袁洵湛弟豹之子謚貞

領軍將軍霄城縣侯趙倫之字幼成下邳僮人孝穆皇后
弟元嘉五年謚元丹陽尹閩中縣五等侯趙伯符字
潤遠倫之子元嘉中戲以手擊主離婚慙懼而卒謚肅
特進侍中左光祿大夫國子祭酒贈車騎將軍遂鄉侯范

泰字伯倫順陽人元嘉五年謚宣

侍中中書監太保錄尚書事揚州刺史華容縣公王弘字
休元導曾孫文帝元嘉九年謚文昭太子詹事侍中
贈左光祿大夫散騎常侍王曇首太保弘之弟元嘉九
年以豫議誅徐羨之功追封豫章侯謚文吏部尚書
贈金紫光祿大夫豫章縣侯王僧綽曇首子孝武泰始
初謚愍

太子左衛率陽山縣男胡藩字道序豫章南昌人元嘉中
謚壯

會稽太守張裕字茂度吳郡吳人元嘉十八年謚恭吳
興太守臨沮伯張邵字茂宗裕弟元嘉時謚簡會稽

太守夷道縣侯張暢字少微邵兄偉之子孝建二年謚
宣

建威將軍河東太守贈征虜將軍沈林子字敬士吳興武
康人永初三年卒元嘉二十五年謚懷

左軍將軍贈新康縣男劉康祖彭城呂人元嘉二十七年
爲魏軍射死謚壯 持節督離梁南秦三州荊州之南
陽竟陵順陽襄陽新野隨六郡諸軍事輔國將軍寧蠻
校尉離州刺史襄陽太守晉安侯劉道產康祖從兄弟
謚襄 侍中尚書左僕射領護軍劉延孫道產子大明
五年謚忠穆又改爲文穆

益州刺史陸微字休猷吳郡吳人元嘉二十九年謚簡

吏部尚書太子右衛率贈散騎常侍金紫光祿大夫沈演之字臺直吳興武康人元嘉末謚貞

廣威將軍贈龍驤將軍益州刺史上天與吳興餘杭人爲元凶黨所殺孝武即位贈官謚壯

中書令領太子詹事前軍將軍丹陽尹贈司空枝江縣侯徐湛之字孝源爲元凶所害孝武即位謚忠烈

金紫光祿大夫贈特進顏延之字延年瑯琊臨沂人孝武孝建三年謚憲散騎常侍僕射領丹陽尹平都縣子顏師伯字長深延之族子泰始初追謚荒

南兖州刺史贈左將軍檀和之高平金鄉人孝建時謚襄左光祿大夫開府儀同三司侍中贈司空都鄉侯何尚之

字彥德廬江瀟人孝武大明四年謚簡穆 吏部尚書
何偃字仲弘尚之子孝武時謚靖

大中大夫垣護之字彥宗畧陽垣道人 大明八年謚壯

建武將軍兗州刺史夏侯祖權譙人 大明末謚烈

散騎常侍特進羊玄保泰山南城人 大明末謚定

贈侍中金紫光祿大夫路興之建康人 路太后父廢帝景

和中追謚孝 贈光祿大夫開府儀同三司路道慶路

太后弟景和中追謚敬

侍中太尉南昌縣公沈慶之字弘先吳興武康人爲廢帝

賜死謚忠武太宗改謚襄

都督雍州刺史贈征西將軍洮陽侯宗慤字元幹南陽人

廢帝景和時謚淵

撫軍將軍兗州刺史建安縣侯殷孝祖陳郡長平人明帝

泰始二年卒于陣四年謚忠

吏部尚書贈左光祿大夫開府儀同三司江湛字徽深濟

陽考城人泰始初謚忠簡

侍中尚書令驃騎大將軍巴東郡開國公柳元景字孝仁

河東解人泰始初謚忠烈

散騎常侍左將軍相州刺史顧顥之字偉仁吳郡吳人泰

始三年謚簡

郢州刺史都督贈征西將軍開府儀同三司蕭思話南蘭

陵人孝懿皇后弟子泰始時謚穆

散騎常侍金紫右光祿大夫謝莊字希逸陳郡陽夏人明
帝時謚憲

左光祿大夫開府儀同三司都督南豫州刺史曲江縣公
王玄謨字彥德太原祁人明帝時謚莊

中書監樂安公蔡興宗字興宗濟陽考城人泰豫元年謚
宣穆

使持節鎮軍將軍守尚書右僕射中領軍鄱陽縣侯劉劭
字伯猷彭城人死于陣後廢帝元徽初謚忠昭 寧朔
將軍交州刺史都鄉侯劉劭弟謚質

侍中左光祿大夫開府儀同三司王裕之字敬弘瑯琊臨
沂人明帝昇明二年追謚文貞 吏部尚書金紫光祿

大夫下璣之裕之子謚貞

侍中安成公何勗晉安成郡公無忌子追謚亮

特進金紫光祿大夫南昌縣侯朱脩之字恭祖義陽平氏

人謚貞

寧朔將軍右軍平陽侯蔡那南陽冠軍人謚平

上三人謚時未詳

通直散騎常侍征虜將軍尋陵侯任農夫謚貞肅地未詳

吳興太守石陽縣子贈前將軍王謙之謚肅

上二人地及謚時俱未詳

南齊帝后太子謚

宣皇帝東海蘭陵郡人姓蕭氏名承之字嗣伯漢蕭何二

十三世孫仕晉為泰山太守遷右將軍贈散騎常侍金

紫光祿大夫封晉興縣五等男高帝受禪追謚宣皇帝

陳皇后名道止臨淮東陽人魏司徒矯之後建元元年追尊爲皇后謚宣孝

太祖皇帝名道成承之子建元元年受宋禪四年崩謚高
昭
劉皇后名智容廣陵人父壽之母桓氏建元元年謚

世祖皇帝名曠高帝長子永明十一年崩謚武 裴皇后
名惠昭河東聞喜人左軍朱瑒之之女建元元年薨
謚穆妃帝即位追尊爲后

海陵王名昭文文惠太子長懋第二子廢帝鬱林王昭業
之弟文惠太子薨鬱林遇弒西昌侯鸞迎入即位延興
元年廢暴殞謚恭

高宗皇帝名鸞始安貞王道生之子初封宣城王海陵廢以鸞入纂建武三年崩謚明 劉皇后名惠端彭城人光祿大夫道弘孫永明七年爲西昌侯夫人卒明帝即位追謚敬皇后

和帝名寶融明帝第八子嗣廢帝東昏侯寶卷爲帝中興二年遜位於梁謚和

太子長懋字雲喬武帝長子永明十一年謚文惠 妃王氏梁天監十一年謚安

南齊宗室謚

衡陽王道度高帝長兄建元元年追謚元

始安王道生字孝伯高帝次兄建元初追謚貞明帝建武

元年以所生父追謚景皇帝 妃江氏謚懿皇后 道

生長子鳳字景慈建武元年贈侍中驃騎將軍開府儀

同三司謚靖 鳳次子曲江公遙欣字重暉出繼宣帝

兄西平太守奉之後永元元年謚康 遙欣弟豐城公

遙昌字季暉明帝永泰元年謚憲 道生第三子安陸

王綽字景業武帝永明九年贈侍中衛將軍謚昭

新安侯景先高帝從子永明五年謚忠

南豐伯赤斧高祖從祖弟永明三年謚懿

豫章王嶷字宣儼高帝第二子永明十年謚文獻 嶷子

永新侯子廉字景範永明十一年贈侍中謚哀

臨川王映字宣光高帝第三子永明七年謚獻

長沙王晃字宣明高帝第四子永明時謚威

武陵王暉字宣昭高帝第五子廢帝隆昌元年謚昭

安成王暕字宣曜高帝第六子永明元年謚恭

始興王鑑字宣徹高帝第十子永明九年謚簡

竟陵王子良字雲英武帝第二子隆昌元年謚文宣

巴陵王寶義字智勇明帝長子天監中謚隱

南齊公主謚

義興公主高帝女適沈文和謚獻

南齊諸臣謚

贈金紫光祿大夫陳瑩之臨淮東陽人高祖外祖父建元

元年追謚敬

黃門郎領射聲校尉新建縣侯蘇侃字休烈武邑人建元元年謚質

宣城太守贈左將軍豫州刺史新淦伯劉善明平原人建元二年謚烈左衛將軍給事中贈雍州刺史霄城侯劉懷珍字道玉善明族兄建元四年謚敬

左衛將軍吳興太守贈侍中右光祿大夫何戢字慧景廬江潯人建元四年謚懿侍中領驍騎將軍贈太常何昌寓字儼望戢從叔建武四年謚簡

司空驃騎將軍侍中錄尚書事贈太宰南康郡公褚淵字彥回河南陽翟人武帝永明初謚文簡太子詹事度支尚書前將軍贈太常巴東郡侯褚綦字茂緒淵子永

明元年謚穆 散騎常侍領安成王師贈太常褚炫字
彥緒淵從父弟永明時謚貞

尚書左僕射王延之字希季臨沂人永明二年謚簡 吳
興太守王秀之字伯蒼延之從父兄隆昌元年謚簡
散騎常侍吳興太守張岱字景山吳郡吳人永明初謚貞
國子祭酒贈散騎常侍特進光祿大夫張緒字思曼
岱從子永平中謚簡

侍中特進光祿大夫贈司空王僧虔宋侍中曇首子瑯琊
臨沂人永明三年謚簡穆 東海太守贈太常王慈字
伯寶僧虔子永明九年謚懿 太尉太子少傅領中書
監贈南昌縣公王儉字仲寶僧虔兄僧綽之子永明七

年謚文憲 初禮官欲謚為文獻王晏與儉不平啓齊主曰此謚自宋氏以來不加異姓出謂人曰平頭憲事已行矣

侍中贈太常王恩遠瑯琊臨沂人明帝時謚貞

尚書左僕射康樂侯李安人一名安民蘭陵承人永明四年謚肅

兖州刺史鄆縣子王玄載字彥休太原祁人永明四年謚烈 中護軍贈雍州刺史河陽縣侯王玄邈字彥遠玄載弟建武中謚壯

金紫光祿大夫樂鄉縣男垣閎字叔通畧陽桓道人永明五年謚定

五兵尚書贈太常沈仲字景綽吳興武康人永明中謚恭
散騎常侍金紫光祿大夫相鄉侯呂安國廣陵人永明八
年謚肅

左光祿大夫侍中贈貞陽縣侯柳世隆字彥緒河東解人
永明九年謚忠武中書郎柳悅字文殊世隆子謚恭
吏部郎太子右衛率加通直常侍庾杲之字景行新野人
永明九年謚貞

度支尚書領銜尉胡諧之豫章南昌人永明十一年謚肅
廬陵王內史高平太守征虜將軍建昌縣侯戴僧靜永興
人永明末謚壯

侍中袁彖字緯才陳郡陽夏人湛之曾孫齊王昭業隆昌

元年謚靖

國子祭酒陸澄字彥深吳郡人隆昌元年謚靖

侍中領晉安王師贈散騎常侍太常卿江數字叔文考城人明帝建武二年謚敬

侍中鎮軍將軍贈車騎將軍寧都縣侯王廣之字士林一字林之沛郡相人建武四年謚壯一謚莊

太子詹事贈金紫光祿大夫謝淪字義潔陳郡陽夏人永泰元年謚簡

散騎常侍領驍騎將軍五兵尚書駙馬都尉贈太常劉俊字士操彭城安上里人東昏侯永元初謚敬

散騎常侍太常卿王績字叔素臨沂人永元元年謚靖

散騎常侍右衛將軍贈安北將軍監利縣侯曹虎和帝中興元年謚壯虎一作武

侍中左僕射鎮軍將軍贈司空西豐縣侯沈文考字文達吳興武康人中興元年謚忠憲

中軍大將軍丹陽尹贈太尉餘干縣公徐孝嗣字始昌東海郟人中興二年謚文忠

汝陰太守贈徐州刺史隨縣子崔文仲清河東武城人謚襄

續文獻通考卷之一百三十九終